


ANGGARAN PERBELANJAAN PERSEKUTUAN 2020

Buku Anggaran Perbelanjaan Persekutuan 2020 mengandungi penyata Anggaran Perbelanjaan Kerajaan Persekutuan yang merangkumi perbelanjaan Mengurus dan Pembangunan bagi semua agensi Kerajaan Persekutuan untuk tahun 2020 serta laporan program dan prestasi setiap agensi. Laporan tersebut mengandungi struktur program dan aktiviti termasuk visi, misi, pelanggan serta prestasi outcome kementerian yang turut dimuatkan bersama penyata Anggaran Perbelanjaan.

Buku ini juga mengandungi analisa Anggaran Perbelanjaan Mengurus dan Pembangunan bagi tahun 2020 mengikut agihan Butiran Perbelanjaan, Objek Am dan Sektor, arah aliran perbelanjaan Kerajaan Persekutuan serta agihan mengikut Sektor dari tahun 2016 hingga 2020. Manakala bagi setiap Maksud Bekalan, turut ditunjukkan perbelanjaan sebenar dari tahun 2016 hingga 2018, anggaran asal bagi tahun 2019 dan cadangan anggaran 2020.


ANGGARAN PERBELANJAAN PERSEKUTUAN 2020

Anggaran Perbelanjaan Persekutuan yang diperakukan bagi tahun 2020 berjumlah RM299,020 juta. Perbelanjaan Mengurus diperuntukkan sebanyak RM241,020 juta yang terdiri daripada perbelanjaan Bekalan sebanyak RM173,136 juta atau 57.9% dan perbelanjaan Tanggungan sebanyak RM67,884 juta atau 22.7% dan Perbelanjaan Pembangunan disediakan peruntukan sebanyak RM58,000 juta atau 19.4%. Rujuk *Carta I*.




ANGGARAN PERBELANJAAN MENGURUS

Anggaran Perbelanjaan Mengurus berjumlah RM241,020 juta diagihkan mengikut Objek-objek Am merangkumi Emolumen sebanyak RM82,611 juta (34.3%), Perkhidmatan dan Bekalan sebanyak RM38,546 juta (16.0%), Aset sebanyak RM650 juta (0.3%), Pemberian dan Kenaan Bayaran Tetap sebanyak RM117,957 juta (48.9%) dan Perbelanjaan-perbelanjaan Lain sebanyak RM1,256 juta (0.5%). Rujuk *Carta II*.



ANGGARAN PERBELANJAAN PEMBANGUNAN

Anggaran Perbelanjaan Pembangunan berjumlah RM58,000 juta, iaitu Cara Langsung sebanyak RM53,468 juta (92.2%), Pinjaman sebanyak RM2,532 juta (4.4%) dan Simpanan Luar Jangka sebanyak RM2,000 juta (3.4%). Rujuk *Carta III*.




ANGGARAN PERBELANJAAN MENGURUS DAN PEMBANGUNAN MENGIKUT SEKTOR

Anggaran Perbelanjaan Mengurus

Anggaran Perbelanjaan Mengurus sebanyak RM241,020 juta diagihkan kepada Sektor-sektor Pentadbiran (RM18,903 juta atau 7.8%), Ekonomi (RM17,047 juta atau 7.1%), Sosial (RM97,634 juta atau 40.5%), Keselamatan (RM27,048 juta atau 11.2%) serta untuk Tanggungan Tertentu dan Bayaran Pindahan (RM80,388 juta atau 33.4%).


Sektor Pentadbiran

Sektor Pentadbiran disediakan peruntukan sebanyak RM18,903 juta. Daripada jumlah tersebut, diagihkan kepada Perkhidmatan-perkhidmatan Am (RM16,163 juta), Bayaran Balik dan Bayaran Ganti (RM2,072 juta) serta Perkhidmatan Luar Negeri (RM668 juta). Rujuk *Carta IV*.




Sektor Ekonomi

Anggaran Perbelanjaan Mengurus bagi Sektor Ekonomi berjumlah RM17,047 juta, diagihkan kepada sembilan (9) sektor kecil, iaitu Pertanian (RM3,562 juta), Pembangunan Sumber-Sumber Galian (RM68 juta), Perdagangan dan Perindustrian (RM3,588 juta), Pengangkutan (RM6,166 juta), Perhubungan (RM94 juta), Tenaga dan Kemudahan-kemudahan Awam (RM310 juta), Penyelidikan dan Pembangunan (RM917 juta), Kewangan (RM2,212 juta) serta Alam Sekitar (RM130 juta). Rujuk *Carta V*.




Sektor Sosial

Sektor Sosial disediakan peruntukan sebanyak RM97,634 juta yang diagihkan kepada Pelajaran dan Latihan (RM60,064 juta), Kesihatan dan Kependudukan (RM28,145 juta), Penerangan dan Penyiaran (RM1,131 juta), Kebudayaan, Belia dan Sukan (RM804 juta), Majlis-majlis Tempatan, Perkhidmatan Kebajikan dan Masyarakat (RM4,153 juta), Pembangunan Kampung dan Masyarakat (RM259 juta) serta Kebajikan Masyarakat, Perpaduan Negara dan Orang Asli (RM3,078 juta). Rujuk Carta VI.




Sektor Keselamatan

Sektor Keselamatan disediakan peruntukan sebanyak RM27,048 juta di mana sebanyak RM12,496 juta daripada jumlah tersebut untuk Pertahanan dan sebanyak RM14,552 juta untuk Keselamatan Dalam Negeri. Rujuk *Carta VII*.




Sektor-sektor Lain

Baki Anggaran Perbelanjaan Mengurus disediakan untuk Tanggungan Tertentu dan Bayaran Pindahan berjumlah RM80,388 juta. Tanggungan Tertentu diperuntukkan sebanyak RM62,208 juta bagi tujuan pembayaran Pencen dan Ganjaran (RM27,027 juta), Perbelanjaan Kerana Hutang Negara (RM34,945 juta) dan Tanggungan-tanggungan Lain (RM236 juta). Rujuk *Carta VIII*.



Bayaran Pindahan diperuntukkan sejumlah RM18,180 juta di mana sebanyak RM2,055 juta adalah untuk Pemberian dan Pinjaman Kepada Negeri, RM1,041 juta untuk peruntukan kepada Kumpulan Wang Terkanun, RM82 juta untuk Caruman Lain dan RM15,002 juta bagi Bayaran Pindahan Lain. Rujuk *Carta IX*.




Anggaran Perbelanjaan Pembangunan

Anggaran Perbelanjaan Pembangunan berjumlah RM58,000 juta diagihkan kepada beberapa sektor utama, iaitu Sektor Pentadbiran (RM3,356 juta atau 5.8%), Sektor Ekonomi (RM31,019 juta atau 53.5%), Sektor Sosial (RM15,068 juta atau 26.0%), Sektor Keselamatan (RM6,557 juta atau 11.3%) dan Peruntukan Simpanan Luar Jangka (RM2,000 juta atau 3.4%).


Sektor Pentadbiran

Sektor Pentadbiran disediakan peruntukan sebanyak RM3,356 juta. Daripada jumlah tersebut diagihkan kepada Perkhidmatan-perkhidmatan Am (RM2,884 juta) dan Pembaikan dan Pengubahsuaian (RM472 juta). Rujuk *Carta X*.




Sektor Ekonomi

Anggaran Perbelanjaan Pembangunan bagi Sektor Ekonomi berjumlah RM31,019 juta diagihkan kepada 10 sektor kecil, iaitu Pertanian (RM2,973 juta), Pembangunan Sumber-sumber Galian (RM54 juta), Perdagangan dan Perindustrian (RM2,446 juta), Pengangkutan (RM12,195 juta), Perhubungan (RM347 juta), Tenaga dan Kemudahan Awam (RM4,338 juta), Kajian Kemungkinan (RM80 juta), Penyelidikan dan Pembangunan (RM631 juta), Kewangan (RM6,221 juta) dan Alam Sekitar (RM1,734 juta). Rujuk Carta XI.



Sektor Sosial

Sektor Sosial disediakan peruntukan sebanyak RM15,068 juta, iaitu diagihkan kepada Pelajaran dan Latihan (RM7,864 juta), Kesihatan dan Kependudukan (RM2,898 juta), Penerangan dan Penyiaran (RM176 juta), Perumahan (RM1,491 juta), Kebudayaan, Belia dan Sukan (RM448 juta), Majlis-majlis Tempatan, Perkhidmatan Kebajikan dan Masyarakat (RM538 juta), Pembangunan Kampung dan Masyarakat (RM1,183 juta), Pembelian Tanah (RM21 juta) dan Kebajikan Masyarakat, Perpaduan Negara dan Orang Asli (RM449 juta). Sila rujuk Carta XII.



Sektor Keselamatan

Sektor Keselamatan disediakan peruntukan sebanyak RM6,557 juta, iaitu sebanyak RM3,160 juta bagi Pertahanan dan sebanyak RM3,397 juta bagi Keselamatan Dalam Negeri seperti di *Carta XIII*.



Simpanan Luar Jangka


Sejumlah RM2,000 juta disediakan di bawah peruntukan Simpanan Luar Jangka bagi membiayai projek pembangunan yang memerlukan peruntukan tambahan di luar jangkaan.

Komitmen Jaminan dan Liabiliti Kerajaan

Dari keseluruhan Anggaran Perbelanjaan Mengurus dan Pembangunan yang berjumlah RM299,020 juta, sebanyak RM19,457 juta diperuntukkan bagi membiayai komitmen jaminan dan liabiliti Kerajaan yang merangkumi bayaran *Public Private Partnership* Unit Kerjasama Awam Swasta (PPP-UKAS) dan bayaran jaminan pinjaman oleh Kerajaan (GG).


Tonggak Dasar Rancangan Malaysia Kesebelas

Pecahan Agihan Perbelanjaan Pembangunan bagi tahun 2020 mengikut 6 Tonggak dalam dokumen Kajian Separuh Penggal Rancangan Malaysia Kesebelas (RMKe-11) adalah seperti di *Carta XIV*.




ARAH ALIRAN PERBELANJAAN MENGURUS 2016-2020

Bagi tempoh 2016-2020, arah aliran Perbelanjaan Mengurus (termasuk pindahan lebihan hasil ke Kumpulan Wang Pembangunan) meningkat dari RM212,421 juta pada tahun 2016 kepada RM241,020 juta pada tahun 2020. Rujuk *Carta XV*.




ARAH ALIRAN PERBELANJAAN PEMBANGUNAN 2016-2020

Arah aliran Perbelanjaan Pembangunan bagi tempoh 2016-2020 meningkat berdasarkan kepada trend pelaksanaan projek/program di bawah RMKe-11 bagi tahun 2016-2020. Rujuk *Carta XVI*.



PERBELANJAAN MENGRUS 2016-2020 MENGIKUT SEKTOR

Perbelanjaan Mengurus dibahagikan kepada Sektor Pentadbiran, Ekonomi, Sosial dan Keselamatan serta Tanggungan Tertentu dan Bayaran Pindahan. Bagi tempoh 2016-2020, perbelanjaan yang terbesar diagihkan kepada Sektor Sosial iaitu sebanyak 38.5% diikuti oleh Tanggungan Tertentu sebanyak 23.5%. Sektor-sektor lain menerima peruntukan seperti di *Carta XVII*.



PERBELANJAAN PEMBANGUNAN 2016-2020 MENGIKUT SEKTOR

Perbelanjaan Pembangunan dibahagikan kepada Sektor Pentadbiran, Ekonomi, Sosial dan Keselamatan serta untuk Peruntukan Simpanan Luar Jangka. Bagi tempoh 2016-2020, perbelanjaan yang terbesar diagihkan kepada dua (2) sektor iaitu Ekonomi dan Sosial yang mencecah 82.3%. Sektor-sektor lain menerima peruntukan 17.7%. Rujuk *Carta XVIII*.

